

四庫全書

史部

欽定四庫全書

史部

御批歷代通鑑輯覽卷二百十

詳校官侍講_臣王燕緒

編修_臣裴謙覆勘

總校官舉人_臣章維桓

校對官學錄_臣謝登雋

謄錄監生_臣汪國均

欽定四庫全書

御批歷代通鑑輯覽卷一百一

明

世宗皇帝

辛酉 嘉靖四十年春二月甲戌朔日食

景王載圻之國

初莊敬太子薨建臣言裕王次當立不報帝晚年信
方士語二王皆不得見載圻年少既與裕王同出邸

居處衣服無別左右頗懷覬覦至是之國德安居四年薨無子國除

三月太白晝見

秋七月己丑朔日食

冬十一月以袁煒

字懋中
慈谿人

為戶部尚書兼武英殿大學

士預機務

先是二月日食微陰欽天監言日食不見即同不食嚴嵩以為天眷趣禮部急上賀煒亦以為言尚書吳

傳雖布質可知
本下應化有差
研若史書所載
當食不食皆因
疏于推測耳至
于陰雲不見尤
屬偶爾被遮乃
嚴嵩遽以為與
不食相同傳陳
瑞應徒為人所
詬笑而袁輝且
以食止一分進
銷為氣後銷鏢
獻頌貢說小人

山仰首視天曰日方虧將誰欺邪仍救護如常儀帝
怒山引罪去遂以煒代山及七月又日食欽天監言
食止一分五杪例免救護煒乃阿帝意上言陛下以
父事天以兄事日是以太陽晶明氛祲銷鏢食止一
分與不食等臣等不勝欣汴疏入帝大喜及是遂入
閣煒本以青詞進與李春芳字子實揚州興化人嚴訥字敏卿
郭樸並號青詞宰相煒才思敏捷每撰青詞援筆立就遇中外獻瑞輒極詞頌美帝
畜一貓死命內直諸臣撰詞以醢煒詞有化獅作龍
語帝大喜悅其詭阿媚上多賴此以故帝急枋用之

此國崇範而國
顧事理之是非
亦可醜矣

金史已歷卷之三
恩賜稠疊他
人莫敢望

萬壽宮災

萬壽宮在西苑成祖舊宮也帝自二十一年宮婢之
變即徙居此是夜火作禁衛不及救乘輿服御及先
世寶物盡燬乃暫御玉熙宮

壬戌四十一年夏五月嚴嵩以罪免其子世蕃下獄

帝居西苑大臣希得進見惟嵩獨承顧問御札一日
或數下雖同列不獲聞以故嵩得逞志徧引私人居

要地士大夫奔走輻輳皆惴惴事嵩然攬權既久帝亦浸厭之而漸親徐階初帝所下手詔語多不可曉

惟世蕃一覽了然答語無不中

世蕃頗通同典曉暢時務嘗自負為天下

才嵩既老昏且旦夕值西內諸司白事輒曰以質東樓東樓者世蕃別號也

及嵩妻歐陽氏

死世蕃居喪不得入直所代票擬嵩受詔多不能答

每遣人持問世蕃值其方縱淫樂不以時答中使相

繼促嵩嵩不得已自為之往往失指所進青詞又多

假他人手不能工以此積失帝歡會萬壽宮災嵩請

徙南城離宮南城英宗為太上皇時所居也帝不悅

而階營萬壽宮甚稱旨

帝居玉熙宮臨甚欲有所營建以問階階請以三殿餘材

營之可計月而就帝悅命階子尚寶至璫燕工部主事十旬而工成帝即日徙居之

由是帝益

向階顧問多不及嵩即及嵩祠祀而已未幾方士藍

道行假乩仙語言嵩奸罪

道行以扶鸞得幸故惡嵩帝問天下何以不治道行

詐為此語具道嵩父子弄權狀帝問山仙何不殛之答曰留侍皇帝自殛

帝心動欲逐嵩

御史鄒應龍

字雲卿長安人

避雨內侍家偵知之因抗疏極

論嵩父子不法

應龍將具疏夜夢出獵見一高山射之不中東有培塿其下甚壯一注矢

前此論嚴嵩者不一嘉靖並置若問問何一聞方士之言即能心動甚至以不殛轉叩上仙賜嚴尚可言耶況嵩始籍陶仲文以固寵繼由藍道行而去位進退之柄皆不由上出則雖嚴狀

自此而彰要難
語于點涉之正
也

拉然覺而悟曰此小兒東樓之兆也遂專劾世蕃罪
狀因及嵩溺愛惡子招賄市權亦宜亟放歸田且曰
如臣言不實乞斬
臣首以謝嵩世蕃
帝遂罷嵩下世蕃詔獄嵩為世蕃

求釋不聽法司奏論世蕃及其子錦衣鵠鴻客羅龍

文俱戍邊詔從之特宥鴻為民使侍嵩而錮其奴嚴

年于獄

龍文官中書與世蕃交闖為奸利而年最黠惡士大夫無恥者競稱夢山先生擢應

龍通政司叅議侍郎魏謙吉

栢鄉人

等皆坐姦黨黜謫

有差

土默特

即韃靼小王子後嘉靖初從幕東方按土默特舊作土蠻今改後倣此

寇遼東總

兵官黑春戰死

土默特入撫順

城名在奉天府承德縣東與興京接界

復攻鳳凰城

在奉

天府東南鴨綠江經此入朝鮮國

春與把總田耕等力戰三日夜死

之

秋八月加戶部尚書高耀

清苑人

太子少保

初大內災宦官有密收龍涎香者至是帝索之急耀

從禁中購得八兩用聖壽建醮日獻之大稱旨賜銀

幣尋加太子少保耀初賄嚴世蕃躡戶部尚書

事在三十

九年四月以貪穢著及世蕃敗知不為公論所容乃要結

為固位計

九月三殿成

更奉天殿曰皇極華蓋殿曰中極謹身殿曰建極

冬十一月分遣御史求方書

帝晚年求方術益急陶仲文死乃命御史姜儆

南昌人

王大任

陝西保安人

分行天下訪求方士及符籙祕書閣

二年還朝上所得法祕數千冊薦方士唐秩劉文彬

等數人做大任俱擢侍講學士秩等賜第京師

時嚴嵩既

獲桃帳後具為中官欺餘形跡顯然嘉靖何以遽信為天賜至免鹿馴育苑園亭產尤為常事

罷監行道亦被譴宮中數見妖孽帝春秋高意邑邑不樂中官因設詐以娛之嘗夜坐庭中獲一桃御帳後左右言自空中下帝喜曰天賜也修迎恩醮五日明日復獲一桃是夜白兔生二子帝益喜謝元告廟未幾壽鹿亦生二子廷臣表賀帝以奇祥三錫天眷非常手詔褒答事在四十三年

癸亥

四十二年夏四月總兵官俞大猷副總兵戚繼光

字元

乃輒目為奇瑞至于告廟稱賀且謝稱眷祐非常誕妄滋甚嘉

敬世襲登州衛指揮僉事

等擊倭于福建破之

靖崇信左道惑溺已久較之漢

自倭去柯梅

注見前

浙東江北漸寧而患盡移于福建

武尤為庸鄙爾時廷臣亦從而

倭泊泉州之浯嶼掠同安惠安攻福寧寧德進圍福州經月不解蔓延興化奔突漳州迄無寧日浯嶼

附和之天寶祥
符紛紛夢發先
後殆同一轍耳

即金門在泉州府同安縣東南海中廣袤數十里同
安五季閩縣惠安宋縣今俱屬泉州府福寧元州今
升府屬福建寧德亦五
季閩縣今屬福寧府
閩人在朝者爭劾胡宗憲嫁

禍帝不問既而宗憲以罪被逮

宗憲初因趙文華結
歡嚴嵩父子文華死

又因羅龍文以進賂及嵩敗言官劾其黨嵩罪得旨
逮問既至帝以平汪直功釋之後復坐交通龍文罪

下獄

倭尋陷興化府焚掠一空移據平海衛

明置今
裁故城

在興化府

莆田縣東 不去自倭躡東南破州縣衛所以百數未

有及府城者興化故名郡最繁富既陷遠近震動詔
急徵大猷克總兵官繼光為副合兵往討時劉顯自

廣東赴援以兵少壁城下不敢戰大猷至亦不欲攻

俟大軍之集乃與顯別邀賊于長樂

唐縣今屬福州府

殲之

至是繼光以浙江兵來會

繼光先破倭于橫嶼還浙江橫嶼在寧德縣東南

海中巡撫譚綸

字子理宜黃人

令繼光將中軍顯左大猷右合

攻賊于平海繼光先登左右軍繼之斬級二千二百

有奇還被掠者三千人倭遁去遂復興化其侵犯他

州縣者亦為諸將所破閩患少熄

倭起二十餘載攻破城邑殺傷官吏

軍民不可勝紀轉漕增餉天下騷然至是大創而去其後繼光大猷復連敗之東南始得安枕無憂矣

敵騎縱掠近甸
京邑戒嚴楊博
職任中樞正宜
急籌入告以速
靖寇氛顧烽火
遠徹宮中竟以

冬十月錫林阿巴圖爾

舊作把都兒
今改後仿此

入寇京師戒嚴

虜數犯遼塞總督楊選囚繫三衛長托干

舊作通
罕今改

令

其子更迭為質托干錫林阿妻父也冀以牽制錫林

阿三衛皆怨至是錫林阿巴圖爾等潰牆子嶺

闕名
在密

雲縣
北

入大掠順義三河諸將趙溱孫贖戰死京師戒

嚴詔諸路兵入援虜駐內地八日大同總兵官姜應

熊敗之于密雲乃退詔誅選

初寇之入也帝方祠釐
兵部尚書楊博不敢奏

謀之徐階檄宣府總兵官馬芳等入援會帝見城東
火光知寇已逼大驚諭階議逐寇而芳兵已先至階

請登嚴私致害
報國不上聞其

罪實難後道乃

楊選既伏刑謀

而博竟以救援

獲免總由廷臣

惟快一遇寇警

必切齒欲蒙之

人而袒護私交

雖玩敵亦視為

常事刑政愆失

皆此國事安得

不壞耶

請亞賞之令專護京師及寇退帝怒博不早聞欲與

楊選同論罪階力為救解乃誅選而不罪博馬芳

字德馨

蔚州人

甲子四十年春二月伊王典模

厲王模
六世孫

有罪廢為庶人

國除

典模在國多不法常奪民舍以廣其宮索郎中陳大

壯宅不與使人絕大壯飲食斃之築崇臺連城擬帝

闕強取民間子女七百飲留其姝麗者餘令以金贖

巡撫張永明

烏程人

等上言狀詔壞所造宮室歸民間

女執羣小付有司典模無藩臣禮宜禁高牆除世封從之

夏五月壬辰朔日食

北 四十四年春三月袁煒以病免

煒疾篤請假歸道卒

煒貴倨鮮澳故出徐階門直以氣凌階館閣士出門下者斥辱

尤不堪人皆畏而惡之及卒謚文榮

嚴世蕃伏誅

世蕃論戍雷州未至而返

初嵩歸至南昌值萬壽節使道士藍田王為帝建醮

鐵柱宮田玉善名鶴嵩取其符籙并己祈鶴文上之
因乞移世蕃近地以便就養詞甚哀帝不許而世蕃
遠近鐵柱宮在南昌城內中有鐵柱相傳許旌陽
所鑄以鎮蛟螭之害明嘉靖後改名如濟萬壽宮

羅龍文一詣戍所即逃還徽州數往來江西與世蕃

計事世蕃大治園亭勢焰不少衰其監工奴見袁州

推官郭諫臣

長洲人

不為起會南京御史林潤

字若雨
莆田人

按視江防因與諫臣謀馳疏盡發其罪

疏言臣巡視
上江備訪江

洋羣盜飛竄入逃軍羅龍文嚴世蕃家龍文卜築深
山乘軒衣蟒陰有不臣之心而世蕃日夜與龍文誹
謗時政搖惑人心近假名治第招集勇士
至四千餘人道路洶洶咸謂變且不測

帝得疏大

怒即詔潤逮捕

世蕃子紹庭官錦衣衛命急報世蕃使詣戍所方二日潤已馳至世蕃猝

不及赴乃械以行龍文亦捕得于梧州

既至京潤復劾嵩世蕃罪甚具

且及寃殺楊繼盛沈鍊狀世蕃喜謂其黨曰無恐獄

且解刑部尚書黃光昇

晉江人

等以獄詞白徐階階曰

諸公欲生之乎僉曰必欲死之階曰若是適所以生

之也夫楊沈之獄嵩皆巧取上旨今顯及之是彰上

過也必如是諸君且不測嚴公子騎款段出都門矣

為手削其草獨按羅龍文與汪直交通賄世蕃求官

世蕃用日者言以南昌倉地有王氣取以治第制擬王者又結宗人典樞陰伺非常多聚亡命南通倭北通虜共相響應即日令光昇等疾書奏之世蕃聞訖曰死矣遂棄市籍其家

黃金可三萬餘兩白金三百餘萬兩他珍寶服玩所值又

數百萬

嵩及諸孫皆為民後二年嵩老病寄食墓舍以

死

夏四月以吏部尚書嚴訥禮部尚書李春芳並兼武英殿大學士預機務

商榷出自廷推
實為明代弊政
嘉靖獨以特旨
遷除似能矯正
其失惜所授止
及侍直諸臣而
郭模高拱仍由
徐階薦得預機
務究無當于技
木塞源其後張
居正用事遂專
任私意為進退
迨末流而故卜
亦悉付置推則
吏濁豈難制矣
蓋用人乃取不

袁煒去後徐階當國屢請增閣臣故有是命

帝眷侍直諸臣

厚凡遷除皆出特旨春芳自學士至柄政凡六遷未嘗一由廷推

冬十一月嚴訥罷

訥仍掌吏部晨理部事暮直西苑供奉青詞積勞成

疾遂罷歸

訥既歸里父母皆在晨夕備物孝養人以為榮訥嘗語人曰銓臣與輔臣必同心乃

有濟吾秉銓二年適華亭當國諸事無阻且所任選即賢舉無失人華亭謂徐階選即則陸光祖也陸

光祖字與繩平湖人

丙寅四十五年春二月下戶部主事海瑞于獄

大權太阿宜
旁落且命出于
上即所用未能
盡當而失不過
一二人其患小
若事出于下無
論推讓未必皆
公縱所舉果盡
得人而黨援辟
進之風將自此
而戢其患大命
官立政顧可不
審于公私輕重
之閥乎

帝久不視朝專意齋醮廷臣自楊最楊爵得罪後無

敢言者至是瑞獨上疏論之

畧曰陛下即位初年設一歲心冠履分辨天下

欣然望治未久而妄念牽之謬謂長生可得一意修元二十餘年不視朝政法紀弛矣推廣事例名器濫矣二王不相見人以爲薄于父子以猜疑誹謗戮辱臣下人以爲薄于君臣樂西苑而不返人以爲薄于夫婦吏貪官橫民不聊生水旱無時盜賊滋熾陛下試思今日天下爲何如乎古者人君有過賴臣匡弼今乃修齋建醮相率進香仙桃天藥同詞表賀建宮築室則將作竭力經營購香市寶則度支差求四出陛下誤舉之而諸臣誤順之無一人肯爲陛下言者諛之甚也自古聖賢垂訓未聞有所謂長生之說陛下師事陶仲文仲文則既死矣彼不長生而陛下何獨求之誠一旦翻然悔悟日御正朝與諸臣講求

天下利病洗數十年之積誤使諸臣亦得自洗數十年阿君之恥天下何憂不治萬事何憂不理此在陛下振作帝得疏大怒抵之地顧左右趣執之無使間而已

適宦官黃錦在側曰聞此人上疏時市一棺訣妻子待罪于朝童僕亦奔散無留者是不遁也帝默然少頃復取讀之為感動太息留中者數月曰此人可方比干第朕非紂耳會帝有煩懣疾召徐階議內禪因曰海瑞言俱是朕今病久安能視事又曰朕不自謹致此疾困使朕能出御便殿豈受此人詬詈耶遂逮瑞

下詔獄論死獄工階力救奏遂留中

三月以吏部尚書郭樸兼武英殿大學士禮部尚書高

拱

字肅卿
新鄭人

兼文淵閣大學士並預機務

樸拱皆由徐階薦召入直廬至是同入閣

夏四月壬戌朔日食

六月旱

秋七月寇犯萬全右衛總兵官馬芳擊敗之

錫林阿以十萬騎入西路芳迎之馬蓮堡堡圯衆請

塞之不可請登臺亦不可開堡四門偃旗鼓寂若無
人比暮野燒燭天囂呼達旦芳卧日中不起敵騎窺
者相屬莫測所為明日芳蹶然起乘城指示衆曰彼
軍多反顧且走勒兵追擊大破之

時寇屢犯東西諸塞及冬犯固原總

兵官郭江敗死又犯大同參將崔世傑禦之與其子大朝大寶俱力戰死

冬十一月帝有疾

先是帝以久病忽欲南幸興都

即承天府

取藥徐階力諫

乃止既而服方士王金等所獻丹藥病遂甚

時方士至者日

衆帝知其妄無殊錫金思所以動帝乃爲造諸品仙方與所製金石藥同進其方詭秘藥性燥非服食所宜帝御之稍稍火發不能愈

十二月帝崩

帝大漸自西苑還大內遂崩徐階草遺詔召用建言得罪諸臣死者卹錄方士付法司論罪一切齋醮工作及政令不便者悉罷之詔下朝野號慟感激時高拱郭樸以階不與共謀不樂樸曰徐公謗先帝可斬也兩人遂與階有隙

裕王載堉即位

是為穆宗

赦

以明年為隆慶元年

釋海瑞于獄

先是瑞在獄猶未聞大行狀提牢主事先知之以瑞且見用設酒饌款之瑞自疑當赴西市恣飲瞰不顧主事因附耳語宮車適晏駕先生令即出大用矣瑞曰信然乎即大慟盡嘔出所飲食隕絕于地終夜哭不絕聲及是既釋復故官俄再遷大理丞

穆宗皇帝

丁卯 隆慶元年春正月罷睿宗配享明堂

禮部尚書高儀

字子象
錢塘人

上言先帝肇祀明堂奉睿宗

配享今陛下踐阼睿宗已為皇祖若仍配享上帝似非周人宗祀文王之義請罷大享禮從之未幾給事

中王治

字本道
忻州人

上言獻皇帝雖為天子父實未嘗君

臨天下雖為武宗叔嘗北面事武宗今位武宗之右
揆諸古典終為未協臣以為獻皇祔太廟不免遞遷

若專祀世廟則億世不改乞敕廷臣博議疏入報聞而已

追尊母杜氏為孝恪皇太后

二月立皇后陳氏

通州人

以陳以勤

字逸甫南苑人

為禮部尚書兼文淵閣大學士張居

正

字叔大江寧人

為吏部侍郎兼東閣大學士並預機務

以勤居正俱時裕即講讀至是並參大政

時徐階以宿老居首

輔與李春芳皆折節下士居正最後入獨引相體侶見六卿無所延納間出一語輒中旨人以是嚴憚之

重于
他相

三月葬永陵

謚曰肅皇帝廟號世宗

明史贊曰肅皇帝御極之初力除一切弊政天下翕然稱治顓迭議大禮輿論沸騰倖臣假托尋與大獄夫天性至情追尊立廟禮亦宜之然升祔太廟而躋于武宗之上不已過乎若其時紛紜多故將疲于邊賊誑于內而崇尚道教享祀弗經營建繁興府藏告匱雖翦剔權奸威柄在御要亦中材以下之主也已

夏四月御經筵

五月夏鎮

在徐州府沛縣東北

新河戍

初嘉靖七年河溢阻運總河都御史盛應期請于昭

陽湖

有大小二湖相連北屬山東滕縣南屬江南沛縣亦名山陽湖

東別鑿新渠以

通漕廷議從之會應期罷役中止至四十四年河大

決沛縣飛雲橋

在縣南為往來津要

分為十數股潰入昭陽運

道淤塞百餘里督理河漕尚書朱衡

字士南萬安人

循行應

期舊迹請開南陽

鎮名在宛川府魚臺縣東北

留城

在沛縣東南即古留邑漢

張良

封此上下總河都御史潘季馴

字時良烏程人

不可衡言是

河直秦溝

在徐州府銅山縣東北

有所束隘伏秋黃水盛昭陽

受之不為壑也乃決計開濬身自督工重懲不用命

者至是河成

西去舊河三十里舊河自留城以北經穀亭而至南陽新河亦自留城而北經

夏鎮而至南陽與舊河合謂之夏鎮河

凡百四十里有奇又引鮎魚諸

泉

在滕縣南源出寶峯山匯諸泉而為濶西經薛山因名薛河

沙河

有二俱在滕縣在縣北者

曰北沙河源出鄒縣嶧山在縣南者曰南沙河即古鄒水源出縣之迷山下流俱入運

注之築

馬家橋隄

在沛縣

過黃水入秦溝使不東侵運道乃大

通方工未成會河復決論者紛然謂衡故興難成之

役以倖功及工竣羣議乃息

夫幾山水驟溢新河決壞漕艘給事中吳時來

言新河受費嶧鄒滕諸水以一堤捍羣流豈能不潰
宜分之以殺其勢衝乃開支河四洩其水入赤山湖
吳時來以道詔復故官赤山湖在
滕縣西南與微山韓莊諸湖相連

高拱罷

初徐階甚親拱及拱驟貴負氣頗忤階世宗疾亟拱

方直西苑遽移具出

拱無子移家近直廬時竊出會
世宗不豫誤傳非常拱遂移直

廬器用
于其家

為給事中胡應嘉

沐陽人

所劾拱疑出階指大

憾之及帝即位階為首輔拱自以舊臣數與抗郭樸

復助之因事劾應嘉籍

應嘉掌吏科佐部院考察以
吏部尚書楊博庇鄉里劾之

帝責其欺悟下閣臣議罰拱奮然曰應嘉無人臣禮當編氓階旁跪拱見拱方怒勉從之言路大譁給

事中欧陽一敬

字司直彭澤人

等劾拱以私怨遂諫臣拱疏

辯階擬旨慰留而不甚謹言者拱益怒相與忿詆閣

中御史齊康

永平人

為拱劾階坐黜于是論拱者無虛

日拱不自安乞罷歸

六月霖雨傷稼

帝素服修省避殿御皇極門視事

秋七月遣使招撫山東河南流民給復五年

八月帝視國子監

九月詣達寇山西

詣達數犯山西

時即富己死趙全在虜益用事尊詣達為帝治宮殿期日上棟忽大風棟

隆傷數人詣達懼不敢居全乃為詣達言大同兵弱亭障稀可以逞故要入犯至是復率衆

數萬分道入井坪

在朔平府平魯縣南有城明成化中建置守禦所于此

朔州

偏頭關老營

堡名在寧武府偏關縣東亦成化中建

諸處邊將不能禦

遂長驅破石州

今汾州府永寧州本唐宋石州明因之不改隆慶後始更名永寧

殺

知州王亮采大掠孝義

後魏永安唐改名今縣屬汾州府

介休

漢界休晉改界

為介今縣屬汾州府

平遙

漢平陶後魏更名今縣屬汾州府

文水

隋縣今屬太原府

交城

亦隋

縣今屬太原府

太谷

漢陽邑隋改名今縣屬太原府

隰州

注見前

問男女死者數

萬而三衛勾土默特

注見前

同時入寇薊鎮昌黎

注見前撫

寧

注見前

樂亭

金縣今屬永平府

盧龍皆被蹂躪遊至灤河京師

震動三日乃引去諸將追之敵出義院口

在撫寧縣東北有關

會

大霧迷失道墮樺崖中人馬枕籍死者甚衆

郭撲罷

初言官劾高拱者多及撲拱歸撲亦求去帝固留之

御史龐尚鵬

字可南
南海人

凌儒

泰州人

等攻不止遂乞歸

樸家

居二十年

卒謚文簡

冬十月以王崇古

字學甫
蒲田人

總督三邊

時濟農據河套為西陲諸部長別部賓都

舊作賓土
今改後仿

此

駐牧大小松山

大松山在涼州府平番縣東北接
蘭州界小松山在其北為邊陲要

地

南擾河湟番族環四鎮

延綏寧夏固原甘肅是為陝西四鎮

皆寇乃

擢崇古兵部侍郎總督陝西延寧甘肅軍務

戊辰

二年春正月杖給事中石星

字拱辰
東明人

于廷黜為民

星上疏言陛下為鼇山之樂從長夜之飲極聲色之

娛朝講久廢章奏過抑一二內臣戚福自恣肆無忌

憚天下將不可救帝大怒詔杖六十黜為民

中官滕祥者以

造作奇巧得幸會監杖星大詬之祥怒子重杖星絕而後甦其妻鄭誤聞星已死遽觸柱死聞者哀之

二月命廷臣舉邊才

三月立子翊鈞

帝第三子

為皇太子

即神宗

京師地震

夏五月以都督同知戚繼光鎮薊州

繼光俞大猷均稱名將而繼光屢摧大寇

平浙閩倭
又平江西

賊

名更出大猷上給事中吳時來以薊門多警請召

大猷繼光專訓邊卒部議獨用繼光乃命以都督同
知總理薊州平昌保定三鎮總兵事尋以薊州既有
總兵官又設總理事權不一乃召還總兵官郭琥而
以繼光為之鎮守薊州永平山海諸處繼光建敵臺
千二百坐臺高五丈睥睨四達虛中為三層臺宿百
人鎧仗糗糧具備精堅雄壯二千里聲勢聯接又立

長苑相二尺長
且一丈五六尺
而刃在其頭又
長一尺一人持
之不久且疲二
人持之旋轉杆
格心不適用而
當時以為禦敵
精器真不值一
錢且北方之強
勝南方之強人
所易知者浙兵

車營每車一輛用四人推輓戰則結方陣而馬步軍

處其中禦拒馬器遏寇騎衝突寇至火器先發稍近

則步軍持拒馬器排列面前間以長鎗篋筦

兵器名以大毛

竹為之粗二尺長一丈五六尺刀在其頂
長一尺用為行伍藩籬見威繼先武藝篇
寇奔則騎

兵逐北又置輜重營隨其後而以南兵為選鋒

時邊卒木

強律以軍法多不堪用繼先請募浙人為一軍用倡
勇敢許之浙兵三千至陳邨外天大雨自朝至日昃
植立不敢動邊卒大駭自是始知軍令
入衛兵主策應本衛兵專戍守

節制精明器械犀利薊門軍容遂為諸邊冠

即素制步伐安
能遠勝北軍義
往北勤恐東南
本多舊部其來
請募調不過應
頗思用趙人之
意耳而記載家
左祖南人遂若
南人之果勝北
人者以是預言
兵有不取敗之
理乎

秋七月徐階罷

帝即位以來階所持諍多宮禁事伸者十八九中官

多側目

帝欲命中官分督團營階力陳不可而止羣小璫歐御史于午門都御史王廷相糾之階

曰不得主名劾何益且慮彼先誣我乃使人以好語誘大璫先錄其主名庭疏上乃分別逮治有差王

庭字子正

南苑人

給事中張齊

長安人

前奉命犒軍宣大納鹽

商金因疏請恤邊商革餘鹽為階所格至是上疏攻

階階引疾求退帝意亦漸移許之

冬十月遼王憲爌

莊王致格子

有罪廢為庶人國除

憲卿在嘉靖時以奉道被寵賜真人號至是巡按御

史邵光

山西長治人

劾其淫虛僭擬諸罪狀遣侍郎洪朝

選

字舜臣同安人

等往勘得實免為庶人國除初張居正家

荊州與憲卿有隙及朝選在勘諷令坐以謀反朝選

不從居正怒屬巡撫勞堪

江西德化人

羅織朝選死獄中

十一月宣府總兵官馬芳襲寇于長水海子

即曰海子注見前

又敗之鞍子山

亦曰馬鞍山在獨石口東北

先是或為錫林阿謀以五萬騎犯蔚州誘芳出而以

五萬騎襲宣府可得志芳預伐木環城寇不得上乃解去頃之芳率參將劉潭等出獨石塞外襲其帳于

長水海子還至塞追者及鞍子山芳迎戰又大敗之

芳有膽智諳敵情所至先士卒一歲數出師搗巢或躬督戰或遣裨將家畜健兒得其死力嘗命三十人出塞四百里多所斬獲寇大震芳乃帥師至大松林頓舊輿和衛登高四望耀兵而還興和衛注見前

已巳三年夏四月以海瑞為僉都御史巡撫應天諸府

瑞威望久著屬吏聞其至墨者多自免去中官監織造者為減輿從有勢家朱丹其戶恐瑞見即黜之瑞

銳意興革請濟吳淞白茆通流入海民賴其利素疾

大戶兼并力摧豪彊撫窮弱下令飈發凌厲所司惴

惴奉行富家巨室或竄他郡以避其見憚如此

瑞撫吳甫

半歲再為言路所論遂改督南京糧儲
小民聞瑞當去號泣載道家繪像祀之

秋八月以禮部尚書趙貞吉兼文淵閣大學士預機務

初帝幸太學會祭酒胡杰論罷貞吉以禮部侍郎攝

事

貞吉在嘉靖朝由調籍屢擢戶部侍郎罷歸帝即位優起禮部

講大禹謨稱旨命

克日講官貞吉年踰六十而議論侃直進止有儀帝

深注意及是遂以尚書參機務貞吉入謝奏言朝綱
邊務一切廢弛臣欲捐軀任事惟陛下主之帝益大
喜

廣東海賊曾一本伏誅

一本初與大盜黃平聚衆數萬剽掠惠潮間與倭相
犄角已而總兵官俞大猷以次殲倭畧盡平為副將
湯克寬

邛州
衛人

所敗達竄去一本降而復叛突犯雷州

執叅將繆卬又犯廣州殺知縣劉師顏尋復陷碣石

衛

在惠州府海豐縣東南明洪武中置令裁

裨將周雲翔殺參將耿宗先

叛附于賊勢益熾時大猷已改鎮廣西詔止勿赴令

與廣東福建總兵官李錫

歙人

郭成

四川叙南衛人

同討一本

錫出海與大猷遇擊賊三戰皆捷會成亦敗賊執周

雲翔率參將王詔等以師來會分三哨進一本駕大

舟力戰諸將連破之燬其舟詔生擒一本及其妻斬

首七百餘死水火者萬計時閩廣隨在皆盜而一本

最彊既平患漸息

冬十一月京師地震有聲

十二月命廠衛刺部院事

帝以災異頻仍由部院政事不平所致令廠衛密訪

以聞于是尚書毛愷

字達和江山人

侍郎萬士和

字思節宜興人

等

皆自劾求去帝慰留給事中舒化

字汝德臨川人

等上言祖

宗設廠衛令捕盜詰奸非以察百官也制馭百官乃

天子之權而奏核諸司責在臺諫今陛下委之廠衛

廠衛必托之番校此輩貪殘恐開羅織之門不可不

慎帝不從已而事竟寢

召高拱復入閣兼掌吏部

拱性彊直自遂頗快恩怨及再入閣盡反徐階所為
凡先朝得罪諸臣以遺詔錄用贈卹者一切報罷且
言明倫大典頒示已久今褒顯議禮諸臣將使獻皇
在廟之靈何以為享先帝在天之靈何以為心而陛
下歲時入廟何以對越二聖帝深然之

時拱專與徐
階修隙所論

皆欲以中階重其罪會帝仁柔弗之竟階子弟頗橫
鄉里郡邑有司希拱指簿其子弟皆編戍盡奪其田

所以扼階
者無不至

杖尚寶司丞鄭履淳

字叔初海鹽人尚書曉之子

下獄

履淳上疏極言時政

畧曰頃年以來萬民失業四方多故天鳴地震災害存臻臣等

當痛哭涕流于殿庭陛下亦當卧薪嘗膽于宵旰今最急莫如用賢陛下御極三稷矣曾召問一大臣面質一講官賞納一諫士以共畫思患豫防之策乎高亢孤睽乾坤否隔忠言重折檻之罰儒臣虛納牘之功宮闈遠脫珥之規朝陛拂同舟之義閣守潛為厲階善類漸以短氣童牛羸豕無先事之圖社鼠城狐有難施之計患豈在明前車不遠伏願奮英斷以決大計勿為小故之所淆衷濟哲以任君子勿為嬖昵之所惑移美色珍奇之玩而保瘡痍分昭陽細務之勤以和庶政萬幾之裁理漸熟人才之邪正自知察

變謹徵同天開
泰計無踰此

疏入帝大怒杖之百繫刑部獄數月

刑科舒化等以為言乃釋為民

復淳父曉通經術明
習國家典故為都御

史樂接有功遷刑部尚書與嚴嵩不合罷歸卒嵩敗
獲淳訟于廟帝即位曉贈官賜諡至神宗初復淳後

起光祿少

御尋卒

庚午四年春正月己巳朔日食罷元會

是月月復食給事中陳吾德

字懋修
歸善人

疏言歲首日月

並食天之大災陛下宜屏斥一切玩好應天以實報

聞

五月罷京營總督分設三大將領之

趙貞吉言先朝禁軍列三大營營各有帥令以一人
總三營權重難制因極論其弊請分五營各統以大
將稍復祖宗之舊帝善之令兵部會廷臣議尚書霍
冀與貞吉不協不然其言廷臣亦多言彊兵在擇將
不在變法冀等乃上議三大營宜如故惟以一人為
總督權大重宜三營各設一大將而罷總督以文臣為
總理報可

未幾復置總督協理
大臣貞吉不能爭

夏四月京師地震

秋七月禁章奏浮詞

高拱言比來章奏鋪綴連續言多意晦端緒難尋
反可竄匿名實請嚴加禁約從之

陳以勤罷

初以勤入閣徐階為首輔而高拱方嚮用朝士各有
所附交相攻以勤中正無所比及拱再入與趙貞吉
相軋張居正復中構之以勤與拱舊僚貞吉其鄉人

而居正則所舉士也度不能解引疾乞休去

以勤歸
六年卒

贈太保

謚文端

八月宣大告警敕備邊

時李春芳雖為首輔而政皆自高拱出邊警猝至拱

請命侍郎曹邦輔

邦輔于帝即位初起
謫籍屢進兵部侍郎

王遴

字繼津
霸州人

督師列陳以待以都御史栗永祿守昌平護陵寢起

劉燾于天津守通州諸命總督王崇古譚綸主進勦

機宜戴才理糧餉邊境得無事

拱練習政事有才畧
凡所建白多可行然

居位頗專橫其門生韓揖輩並居言路日夜奔走其門專務搏擊尚寶卿劉奮庸上疏陰斥之給事中曹大桢劾拱不忠十事皆謫外韓揖蒲州人劉奮庸洛陽人曹大桢巴縣人

罷戶部尚書劉體乾

字子元東安人

時內供寢多數下戶部取太倉銀又趣市珍珠黃綠

玉諸物體乾屢疏積忤帝意遂罷

先是御史詹仰庇諫市珠寶言寶石

珠璣多藏中貴家何必求之于外不報已而仰庇巡視十庫疏請嚴覈內官監出納歲數并節省一切無益浮費會疏中有再照人主語內官摘出激帝怒以爲大不敬杖之百斥爲民并罷科道之巡視庫藏者至是給事中陳吾德李己復上疏言比買玉市珠傳帖數下人情惶惑謂內官崔敏等獻諂營私罪不可

宥乞即斥譴以清左右帝震怒杖已百錮刑部獄斥
吾德為民已久之始得釋詹仰庇字汝欽安溪人
李已字子
張磁州人

九月河決邳州

初新河既成南北諸支河悉併流秦溝河勢益大漲
三年七月決沛縣漕艘不得進至是復決邳州自睢
寧白浪淺至宿遷小河口淤百八十里漕道復阻河

道侍郎翁大立

字傳參
餘姚人

言邇來河患不在豐沛而在

徐邳臣以為權宜之計在棄故道而就新衝經久之

策在開加河

有東西二加東加出沂州府西北箕山
西加出嶧縣東北抱犢山東南流至三

合村與東加合又
南入泗謂之加口

以避洪水帝命大立躬自相度條

利害以聞

已而大立以誤漕削籍復以朱衡經理河
道遂罷加河議專事徐邛築長隄自徐州

至宿遷小河口三百七十里并繕豐沛大黃
隄正河安流運道復通 事在六年正月

以李成梁

字汝器世鐵嶺
衛指揮僉事

為遼東總兵官

錫林阿入遼東總兵王治道戰死擢成梁署都督僉

事代之時諸達諸部屢窺塞下十年間大將死者數

人成梁乃大修戎備甄拔將校收召健兒給以厚餼

用為選鋒軍聲始振

冬十月諳達孫巴噶奈濟

舊作把漢那吉
今改後仿此

內附詔授指

揮使尋遣歸

巴噶奈濟者諳達第三子塔木台吉

舊作鐵背
台吉今改

之子

也幼孤育于諳達妻伊克哈敦

舊作一克
哈屯今改

所既長娶

必濟

舊作比
吉今改

不相得復自聘鄂爾多斯

舊作襖兒
都司今改

女

號三娘子即諳達外孫女也諳達見其美奪之巴噶

恚率其屬十餘人來歸大同巡撫方逢時

字行之
嘉魚人告

總督王崇古

崇古于四年正月
改督山西宣大

曰機不可失也率五

百騎往受之崇古上言巴噶來歸非擁衆內附者可

比宜給官爵豐館餼飾輿馬以示諂達諂急則令

縛送拜牲諸叛人不聽即脅誅巴噶牽沮之又不然

因而撫納之如漢置屬國居烏桓故事使招其故部

徙近塞諂達老且死黃台吉立則令巴噶還以衆與

台吉抗我按兵助之此誠安邊之良策也奏至朝議

紛然高拱張居正力主崇古議詔授巴噶指揮使諂

達方西掠土番聞之急引還約諸部入寇崇古檄諸道嚴兵禦之敵不得利伊克哈敦思其孫日夜哭詣

達患之使來請命達時遣譯者鮑崇德往令縛送拜

姓諸叛人以易巴噶

崇德入其營詣達盛氣待之崇德曰朝更待而殺甚厚今稱兵

是速其死也詣達疑巴噶已死聞言心動使使謂之崇古令巴噶緋袍金帶見使者詣達喜過望崇德因說之曰趙全等旦至巴噶夕歸詣達因屏人語曰我不為亂亂由全等天子若封我為王長北方諸部孰敢為患即死吾孫當襲封彼衣食中國忍背德乎遂遣使致書達時而全方憊患用兵詣達又惑之全嘗投書達時欲歸中國達時以示詣達始有執全意楊林阿奄至大同時達時以巴噶箭示之錫林阿執箭

泣曰此吾弟塔本台吉故物也我來求巴噶巴噶既受官當更計之會諸達台錫林河還錫林河乃引去諸達遂遣使與崇德來乞封請互市隨執趙全等九人來獻詔磔于市崇古亦以帝命遣巴噶歸

十一月趙貞吉罷

高拱趙貞吉同任同臣正宜知表裏事況考察為陞陟大典尤當虛公藉核求協與評乃謀逐私人互相排軋祇以朋黨為心

高拱掌吏部貞吉亦掌都察院拱以私憾考察科道欲去貞吉所厚者貞吉亦持拱所厚以解于是斥者二十七人而拱所惡者咸與拱猶以為憾候門生給事中韓楫劾貞吉庸橫貞吉疏辯言臣掌風憲目睹

不侵顧國家政體
豈大臣所宜出此且使拱快
心貶斥貞吉黑公正無瑕何不
早為糾許顧始而相持求解比
拱與人劾奏方以其壞亂選法
為言立圖報復拱固專橫貞吉
亦豈能免于營私巧宦哉

拱壞亂選法噤口不能一言有負任使真庸臣也若

拱者斯可謂橫也已臣放歸之後幸仍還拱內閣毋

令久專吏部權廣樹衆黨疏入帝竟允貞吉去而拱

掌吏部如故

貞吉好剛使氣動與物忤人多怨之聯十餘年卒贈少保謚文肅

以禮部尚書殷士儋

字正甫歷城人

兼文淵閣大學士預機務

士儋本裕邸舊僚高拱惡其不親已不為援士儋遂

藉太監陳洪力取中旨入閣

辛未五年春二月命廷臣及朝覲官謁皇太子于文華左

門封皇子翊鏐

帝第四子

為潞王

後之藩衛輝

三月封諳達為順義王

已噶奈濟既歸諳達及其妻撫之泣遣使報謝誓不
犯大同王崇古上言朝廷許諳達封貢諸邊有數年
之安可乘時修備設敵背盟吾以數年蓄養之力從
事戰守愈于終歲奔命自救不暇者矣復條封貢八
事以請詔下廷臣議議各不同會帝御經筵閣臣面
請外示羈縻內修守備乃封諳達順義王名所居城

曰歸化昆都埒赫

即老巴噶諸達弟
舊作昆都力今改

錫林阿等授

都督同知等官有差封巴噶奈濟昭勇將軍指揮如
故已而套部濟農亦如約請命詔授官如昆都埒赫
由是西塞諸部歲來貢市自宣大至甘肅邊陲晏然
不用兵革者二十餘載

夏五月李春芳罷

初春芳代徐階為首輔務以安靜稱帝意同列陳以
勤故端謹張居正恃才凌物視春芳蔑如也方階罷

春芳歎曰徐公尚爾我安能久容旦夕乞身耳居正
遽曰如此庶保令名春芳愕然三疏乞休不允既而
趙貞吉入代以勤剛而負氣及高拱再入直凌春芳
出其上春芳不能與爭自飭而已會拱逐貞吉勢益
張修階故怨春芳常從容為階解拱益不悅言官希
拱意疏詆春芳乃罷歸

後數年卒
謚文定

六月京師地震

冬十月河南山東水

十一月殷士儋罷

御史趙應龍

涇陽人

劾士儋進由內侍不堪大任給事

中韓楫復揚言脅之士儋遂乞休去

士儋家居十餘年卒謚文通

之改謚文莊

壬申六年春閏三月帝有疾

帝御皇極門疾作遽還宮

夏四月以禮部尚書高儀兼文淵閣大學士預機務

初儀掌禮部東禮循法居職甚稱為言路所劾遂引

疾歸已用高拱薦以故官侍東宮講讀掌詹事府及是遂入閣

五月帝崩

帝疾稍平將視朝登陛忽眩幾仆亟召高拱張居正至帝執拱手歎語備至居正在旁帝弗顧也帝令拱扶掖還宮尋命宿乾清門拱與居正同止焉未幾帝大漸召拱居正及高儀同受顧命遂崩

六月乙卯朔日食

太子翊鈞即位

是為神宗

赦

以明年為萬厯元年

詔祀建文朝盡節諸臣于鄉有苗裔者卹錄

罷中極殿大學士高拱

始拱與張居正友善既而內離猜防日甚中人馮保

涿州人

次當掌司禮監拱薦陳洪及孟冲保以是怨拱

而居正與保深相結

穆宗疾再作居正處分十餘事使小吏投保拱知而跡之吏已

入拱憲甚面詰居正曰密封謂何天下事不以屬我曹而屬之內豎何也居正面發赤乾笑而已

穆

宗崩保矯遺詔與閣臣同受顧命及帝登極保升立御座旁不下舉朝大駭保遂掌司禮監又督東廠總兼內外勢益張拱以主上幼冲懋中官專政疏請誅司禮權又屬言官合疏攻保而已從中擬旨逐之使人報居正居正陽諾之而私以語保保訴于太后謂拱擅權不可容太后領之明日召羣臣入宣兩宮及帝詔拱意必逐保也急趨入比宣詔則數拱罪而逐之拱伏地不能起居正掖之出拱急僦驛車出宣武

門居正乃與高儀請留拱弗許請得乘傳許之拱既去居正遂為首輔

高儀卒

謚文端

儀性簡靜寡嗜好入閣兩月卒貧無以殮

以禮部尚書呂調陽

字和卿廣西臨桂人

兼文淵閣大學士預機

務

高儀既卒張居正以調陽弱薦代之居正專決調陽不敢有所持諍然內不甚附之

秋七月尊皇后為仁聖皇太后貴妃李氏

鄒縣人
帝生母

為慈

聖皇太后

舊制天子立尊皇后為皇太后若有生母稱太后者
則加徽號以別之馮保欲媚帝生母李貴妃風張居
正以並尊居正不能違也慈聖移居乾清宮撫視帝
內任保而大柄悉以委居正焉

帝御文華殿講讀

張居正請定三六九日視朝餘日御文華殿講讀

九月葬昭陵

在昌平州大峪山東北

明史贊曰穆宗端拱寡營許諳達封貢邊陲寧謐繼體守文可稱令主矣第柄臣相軋門戶漸開而帝未能振肅乾綱矯除積習蓋亦寬恕有餘而剛明不足者歟

冬十月彗星見東北方

至二年四月乃滅

十二月以宋儒羅從彥李侗從祀孔廟

神宗皇帝

癸酉萬歷元年春正月男子王大臣入乾清宮尋伏誅

大臣京師傭奴偽為內侍服入乾清宮被獲下東廠
馮保欲緣此以陷高拱令家人飲食之納刃其袖中
俾言拱怨望與太監陳洪

拱先薦洪掌司禮故保怨之

謀大逆遂

發緹騎馳械高氏奴圍拱里第張居正亦請詰主事
舉朝洶洶謂且逮拱吏部尚書楊博左都御史葛守

禮

字與立德平人

詣居正力解居正奏緩其獄博陰囑錦衣

忭大臣吐實又以拱僕雜稠人中令大臣識別茫然

莫辨也會帝命守禮偕都督朱希孝

成國公朱能五世孫會訊

大臣疾呼曰許我富貴乃撈掠我邪且我何處識高
閣老希孝不敢鞠而罷保懼以生漆酒瘡大臣移付
法司坐斬拱得白

二月御經筵

三月詔舉將才

張居正進講因言今承平日久武備廢弛文吏箝制
弁員不啻奴隸平日不能養其鋒颿臨敵何以責其
折衝嗣後將帥忠勇可任者宜假以事權俾得展布

故有是命

秋九月以方逢時總督宣大軍務

始逢時與王崇古共決貢市之議及崇古入理京營
張居正薦逢時代之至則申明約信邊境以安

四川都掌蠻

注見前平

成化初都掌蠻亂尚書程信襄城伯李瑾討平之

具事

前隆慶末復亂其酋阿大阿二方三等據九縣山

在叙

州府興文縣東南
上有城為蠻巢穴

僭稱王剽遠近其山修廣而四隅

峭仄

方輿紀要九絲山周圍三十餘里上有九崗四水極廣可以播種下惟一徑鳥道可通

東

北則鷄冠嶺

上有砦

都都寨

地袤廣為九絲左臂

凌霄峯

最高險有城為九絲

門

鼎峙相連峻壁皆數千仞有阿苟者居凌霄城為

賊耳目威儀出入如王者巡撫曾省吾

鍾祥人

屬總兵

官劉顯以軍事

顯被劾當罷省吾奏留之

又起故將郭成為之副

成亦被劾

充為事官督軍往討至是諸軍集叙州誘執阿苟拔

凌霄鑿灘通餉進逼都都寨克之斬賊黨阿墨于是

顯分兵為五哨盡壁九絲城下乘夜賊無備腰絙而

上斬闕入賊驚潰郭成復破鷄冠三苗

阿大阿二方三

以次

就擒凡克寨六十餘獲賊魁三十六拓地四百餘里

蠻塞既平得銅鼓九十三銅鐵鍋各一阿大泣曰鼓聲宏者為上可易千牛次者七八百得鼓二三便可稱王鼓山巔羣蠻畢集今已矣鍋狀如鼎大可函牛刻畫有文彩相傳諸葛亮以鼓鎮蠻鼓失則蠻運終矣

冬十一月立章奏考成法

初諸司章奏部院覆行撫按勘者常稽不報張居正請以大小緩急為限立文簿月終註銷閣科部院遞相糾舉誤者抵罪自是政體為肅

十二月朵顏察克圖

舊作朵顏長禿
今改後仿此

犯塞總兵官戚繼

光擊之

自諳達款塞西鄙烽火寂然獨土默特徙居察罕地

今察哈爾明時曰察罕在遼東口外
本朝移其部衆于宣大近地分爲八旗設佐領等官管轄 控

弦十餘萬常爲薊門憂泰寧朵顏諸部皆與交通時

叛時服是年春朵顏部長董呼哩舊作董
狐狸及兄子長

安舊作長昂
今並改後仿此入犯喜峯口繼光擊敗之呼哩乃款

關請貢至是呼哩之弟察克圖復入寇繼光擒之于

是呼哩長安率部長親族三百人叩闕請死乞赦察

克圖繼光遣將受降皆羅拜獻還所掠入攢刀設誓

乃釋察克圖許通貢如故

繼光在鎮十六年邊備修飭薊門守甚固敵無由入

盡轉而之遼故李成梁獨擅戰功

甲戌二年春正月召見朝覲庶能官于皇極門

太祖時外官奏事輒召見賜食訪民間疾苦佐貳雜

職有庶能愛民者常特遣行人齎勅獎賚宣順成弘

朝亦間行之張居正以考察屆期做舊典具儀以上

明自中葉已後
宣廣膠膈百度
日隱張居正奏
請興儀皇極一
見使冊修為鑑
事顧其舉之也
特稱考察之虛
丈一獎賞遂已

畢事上撫崎咨
之漢下鮮數奏
之言則所謂廉
能課最者率出
諸司等贖私人
于迷職之義補
有當乎

帝乃召見浙江布政使謝鵬舉蒲圻人等二十人特加
獎勵並賜銀幣

夏四月詔内外官行久任法

吏部尚書張瀚

字子文
仁和人

請諸司久任張居正善而行

之由是藩臬守令皆得自展

秋七月淫雨昭陵地陷

八月淮揚徐河海並溢

冬十月決囚

嘉靖季年崇奉元修又好祥瑞遇事輒停刑至是審錄重囚至四百餘人張居正言縱釋有罪無以懲惡請如祖宗舊制每歲一決囚從之時承平久羣盜蠲起至入城市剗府庫有司恒諱之居正嚴其禁匿弗舉者雖循吏必黜得盜即斬決有司莫敢飾情盜賊為衰止

乙亥 三年春正月徙遼東六堡

遼陽鎮東二百餘里舊有六堡其地不毛與遼陽聲

援不接李成梁請移建孤山堡于章齊喀喇

舊作張其哈刺

今改甸 在遼陽東南亦曰新甸

險山堡于寬甸

亦在遼陽東南

沿江新安

等四堡于長甸長嶺

俱在寬甸南

諸處仍以孤山險山二

叅將戍之其地並據膏腴扼要害可拓境七八百里
益收耕牧之利廷議從之

二月始命日講官記注起居

太祖初設起居注給事中尋罷至是始命日講官分

直記注起居纂輯章奏臨朝侍班

時編修張位以前代皆有起居注而

本朝獨無乃上言臣備員纂修竊見先朝政事自非出于詔令形諸章疏悉湮沒無考鴻猷茂烈鬱而未章徒使野史流傳用偽亂真今史官充位無以自効宜日分數人入直凡詔旨起居朝端政務皆據見聞書之滿他年實錄之助張居正善其議遂有是命

張位字明臣新建人

夏四月己巳朔日食既

秋八月以張四維

字子維蒲州人

為禮部尚書兼東閣大學士

預機務

張居正當國四維歲時饋問居正不絕居正請增置閣臣引薦四維遂入贊機務故事入內閣者曰同某

人等辦事至是直曰隨元輔居正等辦事于是四維
恂恂若屬吏然不敢以僚自處隨居正後拜賜進官
而已

河決碭山

江浙頻歲水潦為災是年五月淮揚又大水詔察二
府有司貪酷老疾者罷之至是河決碭山而北淮決

高家堰

注見前

而東高郵湖

在高郵州西北天長以東之水皆匯此達于運河

亦決清水潭口

在高郵州北三十里

淮城幾沒徐邳山陽南北

漂蕩千里河道淤淺阻漕者數年

孝宗初漕臣白昂以運舟經覽社湖

觸岸輒壞乃開復河于高郵隄東以避其險長四十

里名曰康濟至是湖永決漕臣吳桂芳改桃康濟越

河修復老隄河成名曰宏濟遂為永利

覽社湖與

高郵湖相連亦名珠湖宋孫覺于湖上見大珠光燭

天因名吳桂芳

字子實新建人

九月禮部尚書萬士和罷

士和初官庶吉士以忤嚴嵩改部曹累任按察布政

使並著清節及官尚書多所條奏時張居正欲越例

贈朱希忠王爵馮保為方士求官士和俱力持不可

又給事中余懋學

字行之
婺源人

以言事得罪

懋學請行寬
大之政而居

正方務綜覈以為風已遂
斥為民及居正歿復故官

士和言直臣不當斥由是

積忤居正給事中朱南雍

浙江山陰人

承風劾之遂謝病

歸

後居正歿屢召
不起卒謚文恭

地震冬十月再震

丙子四年春正月下巡按遼東御史劉臺

字子畏
安福人

于獄除

名為民

時御史在外每凌巡撫張居正欲痛抑之事小不合

詰責隨下又飭其長加考察以故言路多不平會臺

奏遼東大捷居正以巡按不得報軍功劾臺違制妄

奏引故事繩習之臺遂抗章劾居正專擅威福如逐

大學士高拱私贈成國公朱希忠王爵引用張瀚

先是

吏部尚書楊博罷廷推葛守禮朱衡及瀚瀚資望最淺居正惡守禮驕厭衛驕乃拔用瀚張四維

為黨斥逐言官余懋學傅應禎

應禎疏陳重君德蘇民困開言路三事居

正以疏中有王安石誤宋之語怒其侵已調旨切責下獄杖戍未幾召還應禎字公善安福人等

罔上行私橫黷無厭居正怒甚具疏辭政入見帝言

言者謂臣擅威福而臣所行正威福也將異順以悅
下耶則誤國將竭忠以事上耶無以逃專擅之譏因
俯伏泣不肯起帝為下御座以手掖居正曰先生起
吾逮臺竟其事遂下臺詔獄命廷杖百逮戍之居正

具疏救乃除名為民久之復用他事戍潯州

臺按遼東時與

巡撫張學顏不相得至是學顏為戶部誣臺私贖錢
居正屬御史于應昌巡按遼東覈之而令王宗載巡
撫江西廉臺里中事應昌載宗希居正意
實其事以聞張學顏字子愚肥鄉人未幾飲于

戍主所歸而暴卒

後御史江東之訟臺冤詔復官天
啟初追諡毅思江東之字長信

人獻

二月開草灣河

注見前

督漕侍郎吳桂芳上言淮揚洪潦奔衝緣海汊港久

涇入海止雲梯關

在山陽縣東北二百里大河北岸

一徑致海擁橫

沙河流汎濫而鹽

鹽城

安

安東

高

高郵

注見前

寶

寶應

唐縣

今屬揚州府

屢成巨浸國家轉運惟知急漕而不暇急民故朝廷

設官亦主治河而不知海今黃河衝決駸駸欲奪安

東以入海請于草灣低窪之地挑新口以迎大溜安

東衆流滙圍其勢垂陷不如委之以拯全淮廷議安東

未可棄而命開草灣閱七月工竣水患稍平

其後通塞不時

至十七年大河復由此分流奪正流十分之七凡六十里至安東南赤宴廟仍合正河

夏五月命司禮太監馮保同法司錄囚

秋七月詔戶部明年漕糧折收十之三

從張居正請也

先是漕舟以河決不時至已而漕運通居正以歲賦逾春發水橫溢非法

即涸乃采漕臣議督糧卒以孟冬兌運及歲初畢發少罹水患行之久太倉粟充盈可支十年

八月帝視國子監

河決崔鎮

在桃源縣西北

是年二月以後江北旱河水斷流至是徐豐沛睢寧

金鄉魚臺單曹八州縣河又大決田廬漂沒無算河

流齧宿遷城吳桂芳請遷縣治築土城以避之明年

復決而北清口淤墊全淮南徙瀰漫山陽高寶間會

河向桃源

元置桃園縣明曰桃源今縣屬淮安府

三義鎮

在縣東舊名三義鎮入

老黃河故道

明史河渠志黃河目桃源三義鎮歷清河縣北至大河口會淮入海是為老黃

河至嘉靖初三義鎮口淤而黃河改趨清河縣南與淮會于是大河口故道遂廢

淮水乘虛

入清口老黃河復塞

丁丑

五年春二月廣東羅旁叛瑤

今廣東羅定州明為龍水縣屬德慶州其南有

廢瀧水鎮舊為羅旁地瑤人盤據于此

平

羅旁在德慶州上下江界

上江謂西江下江謂南江西江即鬱水南江即瀧水

也鬱水注見前瀧水在羅定

州西飛瀑驚湍最為險阨

東西兩山間

東山在肇慶府封川

縣東西山在羅定

延袤七百里成化中韓雍經略西

州東安縣西南

山頗安輯惟山東瑤深箐剽掠有司歲發卒戍守兩

廣總督殷正茂

字養實歙人

建議大征會遷去侍郎凌雲

翼

字洋山太倉州人

代至是雲翼乃大集兵令總兵官張元

勲

字世臣浙江太平人

李錫將之四閱月克巢五百六十俘斬

招降四萬二千八百有奇鄰境猺獞皆懼求撫雲翼

奏改龍水縣為羅定州

又設東安西寧二縣

設監司叅將積患

頓平

先是設正茂令總兵官俞大猷討平廣西古田種韋銀豹等改古田為永寧州及是雲翼既平

羅旁復勦捕諸山賊之不靖者由是嶺表畧定

夏四月兵部尚書譚綸卒

諡襄敬

綸沉毅知兵初守台州禦倭有功累擢巡撫朝廷倚

以辨賊遇警輒調居官無寧歲

先撫福建繼撫四川進撫兩廣前後積首

功二萬一千有奇

後督師薊遼集兵三萬更徵浙兵三千專

屬戚繼光訓練相度邊隘衝緩道里遠近分薊鎮為

十二路路置一將互為犄角邊備大勵敵不敢入犯

帝即位初進兵部尚書三疏乞歸不允至是卒

綸始終兵

事垂三十年與戚繼光共事齊名稱譚戚

秋閏八月乙酉朔日食不見

九月張居正以父喪起復冬十月杖編修吳中行

字子道武

張居正久握朝綱恐人圖已遂爾自謀起復金櫺總位之私實不能以自解至與中行等抗詞極論雖不無過激亦何至紛紛杖謫多人大臣欲以強悍立威遂行同惡實為弄權國紀神宗竟爾任其施為雖童昏不應若是至居正索刀刎頸更行同惡

卷一百十
等謫戍有差

居正父卒帝與兩宮遣中使慰問絡繹道路然未嘗有意留之而居正自以握權久恐一旦去他人且謀

已會戶部侍郎李幼孜

應城人

欲媚居正首倡奪情議

馮保亦不欲居正去中旨令吏部尚書張瀚諭留居

正居正乃陽上書請守制而陰以牘風瀚覆旨瀚謬

為不喻謂政府奔喪喪宜予殊典禮部事也何關吏部

居正復令客說之不為動乃傳旨責瀚久不奉詔無

類可鄙益甚矣

人臣禮勒致仕

瀚先附居正得掌吏部見非于世至是忤之去士論皆重瀚

于是

請留者相繼編修吳中行檢討趙用賢

字汝師常熟人

上疏

爭之已而員外郎艾穆

字和父平江人

主事沈思孝

字純父秀水人

亦合疏言居正貪位忘親居正大怒謀于馮保欲廷

杖之學士王錫爵

字元馭太倉人

等求解于居正不得

錫爵獨造

喪次切言之居正勃率下拜索刀作刎頸狀曰爾殺我爾殺我徑入不顧

侍講于慎行

字無

垢東阿人

田一儻

字德萬大田人

張位趙志皋

字汝邁蘭谿人

修撰習孔

教

廬陵人

沈懋學

字君典宣城人

皆疏救格不入遂杖中行等

四人謫戍進士鄒元標

字爾瞻吉永人

復上疏爭亦坐杖戍

南京御史朱鴻模

字文甫益都人

馳疏救中行等五人并斥

為民于是錫爵慎行一僑懋學先後移病歸

詔遣居正子編

修嗣修與司禮太監魏朝馳傳往代司喪禮部主事

唐詰治祭工部主事徐應聘治喪居正請無造朝以

青衣素服角帶

入閣治事許之

彗星見

從東南方起長亘天人情洶洶指目張居正至懸謗

書通衢帝詔諭羣臣再及者誅無赦謗乃已

兵部尚書王崇古罷

初諳達諸部嘗越甘肅掠西番境既通款其從孫徹

辰台吉

舊作乞盡台吉
今改後仿此

連歲盜番不得志求諳達西

援崇古每作書止之是年諳達請赴青海迎佛崇古

上言西行非諳達意且以迎佛為名不可阻宜飭邊

鎮嚴守備而陰洩其謀于番族以示恩給事中劉鉉

鄱陽人

尹瑾

東莞人

等交章劾崇古弛防徇敵崇古奏辯

因乞休去

崇古身歷七鎮勲著邊陲封貢之初廷議
紛呶有為危言以撼帝者閣臣力持之乃

得成功自順義歸款後二
十年崇古乃歿諡襄毅

十一月考察百官

張居正自奪情後知天下不與己思以威權劫之時

因星變考察百官趙志皋張位習孔教相繼遷謫南

京僉都御史張岳

字汝宗
餘姚人

請令居正奔喪坐考察自

陳貶秩禮部尚書何維栢

維栢于嘉靖時以劾嚴嵩
得罪隆慶初復官累遷尚

書

亦以自陳免

先是奪情議起張瀚叩維栢維栢曰
天經地義何可廢也瀚從之居正怒

奪維栢俸因追論羅倫議李賢奪
情斥為小豎子聞者莫不訐之

戊寅六年春二月以潘季馴總理河漕

先是總河傅希摯

衛水人

欲塞決口吳桂芳主開老黃

河故道議未決有言宜多濬海口以分水勢者會桂

芳卒以季馴代之季馴相度水勢

言海口自雲梯關四套以下濶七八

里至十餘里深三四丈欲別議開鑿必須深濶相類方可注放工力甚難且未至海口乾地猶可施工其將入海之地潮汐往來與舊口等耳舊口皆係積沙人力雖不可濬水力自能衝刷海無可濬之理惟當導河歸海則以水治水即濬海之策也河亦非可以人力導惟當繕治隄防俾無旁決則水由地中沙隨水去即導河之策也頻年以來日以繕隄為事顧卑薄而不能走迫近而不能容雜以浮沙而不能久是

季馴治河為明季河臣第一所陳六議具有條理今亦頗仍其

刊即如此洛海工程一節實為明達事體夫海口潮汐往來陸處隨積不可以人力治理不易曉而導河則海因其自然之勢其說尤為至當且明神宗時至今幾二百年如果淤墊足慮則河流久應梗塞下通而注壅備宜未聞改變可見浮說雖與實

以河決崔鎮水多北潰為無隄也淮決高家堰黃浦口水多東潰隄弗固也不咎制之未備而咎作隄為下策豈通論哉上流既旁潰又岐下流而分之其趨雲梯入海口者譬猶强弩之末耳水勢益分則力益弱安能導積淤以注海故今日濬海急務必先塞決以導河尤當固隄以杜決而欲隄之不決必真土而勿雜浮淤高厚而勿惜鉅費讓遠而勿與爭地則隄乃可固也沿河隄固而崔鎮口塞則黃不旁決而衝漕力專高家堰築朱家口塞則淮不旁決而會黃力專淮黃既合自有控海之勢又懼其分而力弱也必暫塞清江浦河而嚴司啟閉以防內奔姑置草灣河而專復雲梯以還其故道仍按築淮安新城長隄以防其末流使淮黃力全涓滴悉趨于海則力強且專下流之積沙自去海不濬而闢河不挑而深所謂固隄即以導河導河即以濬海也又言黃水入徐歷邳宿桃清至清口會河而東入海淮水及鳳歷盱泗至

其水道無問言者第表源信耳紙上空談無裨實際迂儒口舌紛騰往往如此惟在斷之以理而已

清口會河而入海此兩河故道也元漕江南粟則由揚州直北廟灣入海未嘗遡淮陳瑄始隄管家諸河通淮為運道慮淮水漲溢則築高家堰隄以捍之起武家墩經大小澗至阜寧湖而淮不東侵又慮黃河漲溢則隄新城北以捍之起清江浦沿鉢池山柳蒲灣迤東而黃不南侵其後隄岸漸傾水從高堰決入淮郡直同魚鼈而當事者未考其故謂海口壅閉宜急穿支渠詎知草灣一開西橋以上正河遂致淤阻夫新河濶二十餘丈深僅丈許較故道僅三十之一豈能受全河之水下流既壅上流自潰此崔鎮諸口所由決也今新河復塞故道漸已通流雖深濶未及原河十一而兩河全下沙隨水刷欵其全復河身不難也河身既復濶者七八里狹者亦三四百丈滔滔東下河水不容非惟不必別鑿他所而草灣亦可勿濬矣故為今計惟修復陳瑄故蹟高築南北兩隄以斷兩河之內灌則淮揚昏墊可免塞黃浦口築寶應

隄濬東閘等淺修五閘復五壩則淮南運道無虞聖
塞桃源以下崔鎮口諸決則全河可歸故道黃淮既
無旁決並驅入海則決隨水刷海口自復而桃清淺
阻又不足言此以水治水之道也 廟灣注見前武

家墩在山陽縣西南鉢池山在山陽縣東北 因條上六議曰塞
陽縣西北柳蒲灣在山陽縣東北

決口以挽正河曰築隄防以杜潰決曰復牐壩以防
外河曰創滾水壩以固隄岸曰止濬海工程以省糜

費曰寢開老黃河之議以仍利涉帝悉從其請乃塞

崔鎮等決口百三十築高家堰隄六十餘里歸仁集

在徐州府宿遷縣南 隄四十餘里柳蒲灣隄東西七十餘里自

徐沛至淮揚間遙隄縷隄滾水減水壩牯無不修築
逾年工成自後數年河道無大患

立皇后王氏

餘姚人

先是帝大婚屆期慈聖太后將歸慈寧宮諭張居正
曰吾不能視皇帝朝夕師保之責專恃先生尋以居

正充納采問名副使吉服從事給事中李涑

字源甫
雲都人

言大婚重典而使居正變服從吉于觀聽不宜乞別
簡用不聽

史籍馬自強入
閣張居正以人

望爲之一似居

正真能不念風

雖者殊不知居

正專權植黨資

有操縱之才自

強當日即因負

名抵忤未聞志

力糾彈自忤勢

位不能相抗久

矣一旦以相位

牢籠自當喜出

望外且其人之

色屑內莊或亦

有深識其底裏

三月以禮部尚書馬自強

字體乾同州人

兼文淵閣大學士吏

部侍郎申時行

字汝默長洲人

兼東閣大學士並預機務

張居正請增置閣臣

居正將歸葬父恐高拱殷士儋復出故有是請

令居正

推擇居正以自強有人望而時行又其所厚遂薦用

之自強負伉直名素忤居正不自意得之頗德居正

既入閣守位而已

是冬十月自強卒

張居正葬父歸夏六月還朝

帝大婚後居正乞歸葬父許之賜帝賚忠良銀章如

若是以陽推德
論之功陰貴傾
心之効正當論
所云苟患失之
無所不至者也

楊士奇張孚敬例得密封言事敕呂調陽等有大事
勿專決馳驛之荊州聽居正處分會遼東奏大提帝
復歸功居正使使馳諭俾定爵賞居正為條列以聞
既畢葬且還朝居正上言母老不能冒炎暑請俟秋
涼就道帝遣錦衣指揮翟汝敬馳傳往趣之而令中
官護其母由水道行居正所過守臣率長跪撫按長
吏越界迎送身為前驅道經襄陽南陽襄王唐王出
候設宴具賓主禮及抵京兩宮慰勞懇篤賞賚有加

母至亦如之

秋七月呂調陽罷

張居正歸後閣事皆送裁決調陽內慚堅卧累疏乞
休不出及居正還遂致仕

詔選內豎三千五百人

冬十二月高拱卒復其官

諡文襄

拱家居數年及是卒張居正請復其官與祭葬如例

馮保憾未釋中旨給半葬祭文仍寓貶詞云

拱初在吏部通

嘉靖時執政甚多獨其裁抑中官頗得制馭近習之道故謂人奉法不敢恣肆者幾數十年神宗承其遺制正當申嚴禁令何

以優廣加進選
竟至三千五百
人之多蓋由馮
保居中用事吹
竽引用使黨類
復致蔓延而若
輩能煽惑流勢
而難於銓束未
幾而蔽蔽日甚
礦場稅監四出
征求元氣由茲
削盡馴至茄花
委鬼竊弄威權
貽毒遠傾國祚
履霜堅冰此其
漸矣

識諸司賢否倉卒舉用皆得人又以時方棘邊事請
增置兵部侍郎由侍郎而總督而本兵中外迭居邊
材自裕更取名邊地之人以備司屬如銓司分省故
事皆報可及詣達封貢拱力主王崇古議邊得休息
卒後久之廷議頌其
功乃贈太師賜諡

封李成梁寧遠伯

土默特與從父哈斯坦

舊作黑石炭

弟大小衛徵

舊作妻政

從

弟諾木圖

舊作援土

恭圖

舊作拱土

子布延台珠爾

舊作言台周

從

子黃台吉及泰寧部長蘇巴爾噶

舊作把速亥

綽哈

舊作吹花

今並
改 等頻入犯成梁屢擊却之論功世廕思賚稠疊

至是蘇巴爾噶綽哈糾土默特黃台吉等以三萬餘

騎壁遼河攻東昌堡

方輿紀要堡在海州衛東南海州衛今奉天府海城縣是

入耀州

遼置今廢故城在海城縣西南

成梁遣諸將分屯要害以遏

之而親提銳卒出塞二百餘里斬其長九人餘首級

八百四十捷聞帝告謝郊廟封成梁寧遠伯

成梁故驍悍善

戰會張居正當國每奏捷輒張大其功遂得封伯

戶部奏是歲天下戶口之數

戶一千六十二萬一千四百三十六口六千六十九

萬二千八百五十六

巳卯 七年春正月毀天下書院

時士大夫競講學張居正特惡之盡改各省書院為

公廨

夏四月張居正上肅雍殿歲

帝漸備六宮多宣索太倉銀購珠寶居正言歲入則

減于舊歲出則浮于前請量入為出罷節浮費因進

肅雍殿歲帝嘉納焉

一日帝御文華殿居正侍講讀畢以給事中所上災傷疏開因

請賑復言上愛民如子而在外諸司營私背公剥民間
上宜痛鉗以法而上亦當加意搏節于官中一切用度
服御賞賚布施裁
省禁止帝首肯之

秋八月減均徭加派

國初役法有里甲均徭雜泛三等

以戶計曰甲役以
丁計曰徭役上命

非時曰雜役皆有力役有雇役府州縣
驗冊丁口多寡事產厚薄以均適其力
自嘉靖以來

行一條鞭法

其法總括一州縣之賦役量地計丁
糧畢輸于官一歲之役官為僉募力差

則計其工食之費量為增減銀差則計其交納之費加
以贈耗凡額辦派辦京庫歲需與存留供億諸費以
及土貢方物悉併為一條皆計畝
徵銀折辦于官故謂之一條鞭
頗稱簡便然諸役

兄費名罷實存有司追徵如故百姓苦之至是詔減銀一百三十萬有奇

庚辰八年春二月辛未朔日食

三月帝奉兩宮太后謁陵天壽山

張居正乞罷詔慰留之

居正扈帝謁陵歸具疏乞休中云拜手稽首歸政

帝顧

居正儼然以師自負實違人臣敬順之儀又動輒以乞休固寵則更效尤王安石而流甚且因

居正益重賜札稱元輔或稱先生或又稱元輔少師先生待以師禮而居正奏謝亦儼然自負為帝者師
凡再上帝慰留懇切最後手書稱慈聖口諭先生親

兩子下第竟奏
停館選而其子
送運投羅科直
以嗣更額俊之
規推為私室光
榮之具騎梯若
此雖有才亦何
足重乎

受先帝付託豈忍言去俟輔爾歲至三十而後商處

先生母復興此念居正乃出

初居正子敬修嗣修懋修先後領鄉薦帝改元

之二年敬修會試不第居正怒因停是科館選至五年嗣修遂以第二人及第是年復當會試懋修敬修皆中式會居正方乞休遂特擢懋修第一人及第自居正私其子連舉上第而他輔臣呂調陽張四維申時行之子亦皆先後成進士御史魏允貞疏陳時弊請自今輔臣子弟中式俟致政後始許廷對帝以允貞言過當謫于外然自是輔臣居位其子無復登第者矣

魏允貞字懋忠南康人

夏四月迺東都督王烏塔

舊作兀堂今改

寇邊李成梁擊敗之

烏塔通市寬甸怨邊將強抑市價數遣零騎侵邊犯

穀陽

堡名在鳳凰城北

及黃岡嶺指揮王宗義戰死遂入永

佃堡

在鳳凰城東

成梁擊走之追出塞斬首八百餘級盡

毀其營壘至秋復犯寬甸副將姚大節又破之烏塔

由是不振

六月南畿大水

秋七月後軍都督府僉事俞大猷卒

諡武襄

先是大猷以平古田獍功進世廕已為巡按御史所劾回籍聽調久之復以都督僉事起僉書後府事領

車營訓練三疏乞歸卒贈左都督

大猷少好易嘗以易推行兵家奇正

虛實之權謂兵法之數起五猶一人之身有五體雖將百萬可使合為一人也初為汀漳守備泣武平作讀易軒輿諸生為文會而日教武士擊劍及為大將持身廉馭下有恩數建大功威名振南服其用兵先計後戰不貪近功忠誠許國老而彌篤譚綸嘗與書曰節制精明公不如綸信實必罰公不如戚精悍馳騁公不如劉然此皆小知而公則堪大受戚謂戚繼光劉謂劉顯也其為綸所推重如此

冬十月汰冗官

先是詔南京職務清簡官不必備至是盡汰內外冗員並覈各省徭賦及諸司冒濫冗費皆從張居正請

也

十一月度民田

初建昌知府許孚遠

字孟中
德清人

始為歸戶冊以田從人

法簡而密後張居正議天下田畝通行丈量遂用開
方法以徑圍乘除畸零截補于是豪猾不得欺隱里
甲免賠累而小民無虛糧總計田七百一萬三千九
百七十六頃視孝宗時贏三百萬頃居正頗以溢額
為功有司短縮步弓以求田多或倍克見田以充虛

額後遂按溢額增賦

詔內官並自陳斥逐有差

帝即位初慈聖太后遇帝嚴太監馮保倚太后勢數

挾持帝帝甚畏之已而小璫孫海客用導帝戲游

二人

屢誘帝夜游別宮小衣窄袖走馬持刀又數進奇巧之物

帝深寵幸保言于太后

后召帝切責帝長跪受教惶懼甚保屬張居正草帝

罪己手詔頒示閣臣詞過抑損帝年已十八覽之內

慚然迫于太后不得不下居正乃上疏切諫又緣保

意劾去司禮巨璫孫德季溫泰等而令諸內侍俱自

陳凡保所不悅者斥退殆盡帝由是漸惡保并亦嚙

居正矣

保竊權肆橫間亦時引大體內閣產白蓮翰林院有雙白燕居正以為瑞進之保使使語

居正曰主上冲年不可以異物啟其玩好又頗能約束其子弟不敢肆惡人亦以是稱之然保性貪其私入錦衣指揮徐爵內官張大受恃勢權利居正使蒼頭游七與爵結為兄弟交關語言凡有所謀皆緣以達焉

辛巳九年春正月命翰林官分番入直

以張居正請日用翰林官四人入直應制詩文及備

顧問

帝初政居正嘗纂古今治亂事百餘條繪圖以俗語解之使帝易曉至是復囑儒臣紀太祖列

聖寶訓寶錄分類成書凡四十類請以經筵之暇進講帝從之

三月大閱

夏四月戎政尚書方逢時罷

逢時才畧明練處置邊事悉協機宜

先是五年以宣大總督召理戎

政時議者爭言貢市利害逢時疏言北都輸誠致貢莫敢渝約歲時請求隨宜與之輒稽首歡笑有掠人要賞者告諱達討治即俛首聽命而異議者或曰敵使充斥日益耗費或曰與寇益狎隱憂巨測均未覩事機之論也今計三鎮歲費二十七萬較之向時十纔二三而民間耕獲之人市價之利不與焉方隆慶

唐午以前三軍暴骨萬姓流離邊臣首領不保朝廷
為之肝食七八年來幸無此事矣所不可知者諳達
老且死數年之後諸部無所統一狡黠爭構或行侵
擾在我亦惟罷貢市固壁壘以待仍禁邊將無輕舉
使曲常在彼直常在我因機處宜顧方畧何如
耳封疆之事無常形何必貢市非而戰守是哉至是
以老病乞休去其功名與王崇古相亞世稱方王
土默特犯遼陽副總兵曹簠敗績

先是土默特以二萬餘騎入攻錦州叅將熊朝臣固

守而遣部將出戰皆歿敵乃分掠小凌河

在錦州府
錦縣東亦

名錦

松山

在錦
縣南

杏山

在錦縣
西南

會李成梁馳援始出境

已而土默特復與諸酋聚兵塞下謀入廣寧成梁率

輕騎從大寧堡

在錦州府義州東北

出塞四百餘里擊之敵大

敗走至是復入遼陽蓋出禦之遇伏失千總陳鵬以
下三百十七人馬死者四百六十匹土默特遂大掠
人畜而去

京師旱南畿饑

張居正上言淮鳳蘇松連被災傷徐宿間至以樹皮
充饑或聚為盜昔元末之亂亦起于此當破格賑之

陛下宜撙節宮中耗費嘉靖朝用最浩繁內庫尚有餘積今已增額猶稱缺乏有限之財安能供無窮之

用帝嘉納之

居正以江南貴豪怙勢及諸奸猾吏民善逋賦乃選大吏精悍者嚴行督責賦

以時輸國藏

乃日益充裕

五月盡賣民間種馬

國初馬有官牧有民牧官牧給邊鎮民牧給京軍皆有孳生駒給草場以資芻牧後專牧于民視丁田授馬始曰戶馬既曰種馬按歲徵駒種馬死孳生不及

數輒賠補自豪右莊田占草場馬戶漸多逃竄穆宗


從太僕少卿武金議賣種馬之半

金言種馬之設專為孳生備用備用

馬既別買則種馬可遂省今備用馬既足三萬宜令每馬折銀三十兩解太僕種馬盡賣輸兵部一馬十兩則直隸山東河南十二萬匹可得銀百二十萬且收草豆銀二十四萬御史謝廷傑謂祖制所定闕軍機不可廢兵部是廷傑言而是時內帑乏竭方分使括天下逋賦穆宗遂可金奏下部議請養賣各半從之至是以互市饒馬盡賣之上馬八兩下至五兩又

折徵草場地租銀以供團營買馬及各邊之請迨帝末年師役繁興往往借支太僕銀久之銀與馬兩竭

問政大壞



御批歷代通鑑輯覽卷一百十